



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

§. IV. Manus violenta in Clericum.

urn:nbn:de:hbz:466:1-40684

§. III.*Duellum.**De Duello vide dicta cap. 2.***§. IV.***Manus violenta in Clericum.*

45. **Q**uæritur. *Quinam dicantur violentas manus in Clericum injicere?*

Resp. Qui actionem exteriorem injuriosam, & contumeliosam facit contra Ecclesiasticas personas, ut, si eas violenter percutiat *mann*, *pede*, *lapide*, *baculo*, *ense*, *Scelo*, &c. violenter etiam absque corporis lafione detineat, vel incarceret: aliquid ab eis violenter eripiat; velles laceret; venenum propinet; vel quid simile in contemptum attentet, per quod eas notabiliter aliquam injuria, & contumelia contra honorem, & reverentiam statui Clericali, & personis Ecclesiasticis debitam afficeret censeatur. Videnda Glos. add. cap. *Si quis verb. man.* Injuria verò factis, non verbis irrogata censuram concludit.

46. In casu, appellatione Clerici ve- niunt omnes Ecclesiasticae personæ: ut, Clerici, etiam primæ tonfuræ; ac con-jugati, si cum una, & virgine contra-xerint, habitum, & tonfuram defe- riant, cap. *Clerici de Cleric.conjug. in 6.* Item, omnes Religiosi utriusque sexus, etiam Noviti. Cap. *Cum illorum*, cap. *De monialibus de sent. excom.* Et cap. *Re-ligioso cod. tit. in 6.* Item, Tertiarii cum Claustralibus habitantes: Item, Mu- lieres Tertiariæ virginalem, aut coeli-

bem vitam voventes, etiam si seorsim in propriis domibus, aut affinium suorum habent, juxta constit. *Dum intra, Leo-nis X. la 22. Bullar. to. 1.* dummodò con-diciones habeant taxatas in decreto S. C. Conc. quod refero Offic. Curie, c. 52.

Item, Eremitæ, qui sub obedientia Episcopi alicui Ecclesiæ in communitate, vel separatis deserunt. Item, Equites S. Joannis Hierosolymitani, vulgo di Malta, cap. *Canonica de sent. excom.* Quippe solemnia vota Religionis emit-tunt, ut per Sperellum decisi.

47. Quæritur, *An ad incurrandam censuram Canonis excusat parvitas ma-teria?*

Resp. Affirmative. Conveniunt enim DD. Barbosa, Diana, aliisque in hac materia dati parvitatem materie, adeò, ut non incurritur censura, si injuria, vel contumelia illata talis judicio viri prudentis non sit, quæ ad peccatum mortale sufficiat, ut ex Bonaccina ob-servavit Abellii *Medal. p. 2. 10. 2. c. 6. foiss. 2.* §. 1, num. 6. Nam cum sit injuria levissima, non dicitur facta suadente Diabolo per Du-hamel *Theol. Cleric. tom. 3. lib. 5. disser-t. 4. cap. 5.* Et exemplificant; si quis leviter Clericum à se animo irato repel-lat.

Hinc, ut censura incurritur percus-sio non levissima esse debet, sed *levis*, *mediocris*, *aut gravis*, seu *enormis*. Judicium autem, an *levis* sit, *mediocris*, vel *enormis*, cùm sit res facti, dependet à qualitate loci, personæ, & circumstantia injectionis manus, de quo in Extravagante *Perlettis Joan. XXII.* apud *Confectum de privil. mend. p. 1.*

48. *Levis itaque percussio secundum (H) 2 allegat.*

allegat. Extravagante ea declaratur, qua facta, manu, pede, digito, vel lapide, nullam reliquit plagam, vel suggillationem carnis, nec deentes effringit, nec multos divellit capillos, nec sanguinis copiam facit, licet parum fluat.

49. Mediocris percussio ea censetur, ubi dens eruitur, copia capillorum elevatur, carnium contusio, aut suggillatione relinquitur, &c.

50. Gravis verò, vel enormis, judicanda est, si gravior laesio, & injuria inferatur; ut, si Clericus vulneretur, munitetur, debilitetur, vel occidatur. Item, si denudetur, aut atramento, vel stercore vultus ejus feedetur. Considerandum est, quod percussio, qua alii secundum substantiam eslet levis, fit plerumque gravis, & enormis, aut mediocris ratione loci, ut, si percutiatur Clericus, Ministerio Altaris occupatus, aut dum vacat sacris, sive in Choro, vel in actu publicae processionis; si in platea, theatro, vel alio loco publico injuria personalis inferatur.

51. Item crescit ratio personæ; ut, si inferatur Episcopo, Prelato, aut alteri in dignitate Ecclesiastica constituto. Ceterum judicium ex d. Extravag. qua sit enormis injuria, relinquitur arbitrio Episcopi. Qui in dubio enormem potius quam levem arbitrari debet, & ad Secundum Apostolicam pro absolutione injuriantes sunt dirigendi, ne de vicina absolutione consilii facili in atrocis prouocant percussiones, & injurias, & in Canonis sententiam proclivius prolabantur, ut ibid. textus, & Confessius cit. p. 2. tit. 14. cap. 1. conc. 5.

Non nulli sunt casus, in quibus ob

pereussionem Clerici censura non incurrit, quos recenset cit. Confessius ibid. cap. 8. & Du-hamel ubi supr.

52. I. Quando vis cum moderamine incalpata tutela repellitur, & Clericus repellendus laeditur, cap. si vero, il. 1. de sent. excom.

53. II. Cum in continentia percutitur Clericus, vel Regularis cum uxore, matre, sorore, vel filia propria turpiter inventus, d. cap. si vero, s. nec ille d. tit.

54. III. Cum ex officio, Magister, vel Prelatus corrigit Clericum, vel Regulariem; nam tunc percutio non sit, suadente Diabolo, sed suadente justitia, vel charitate, & zelo Dei, ac disciplina, cap. Universitatis, cap. Cum voluntate d. tit. Dummodo modus graviter non excedatur, nec per Laicum saecularem fiat.

55. IV. Cum à muliere de adulterio, stupro, vel fornicatione tentata, causa defendendi propriam honestatem, Clericus percutitur; dummodo provocatio, & solicitatio facta, & non solo verbo fiat, d. Confessius.

56. V. Cum fortuito casu, & non ex deliberatione Clericus percutitur, d. cap. si vero s. Officialis.

57. VI. Cum id non sit ex odio, invidia, seu indignatione, sed per jocum, vel ad ludum. Nam tunc percussio dici nequit violenta, nec suadente Diabolo, cap. Nuper d. & Alios casus vid. apud Confessium ibid.

58. Quæritur. Quis absolvet ab excommunicatione incursa propter Clerici percutiendum?

Resp. Est certum, Confessarium ordinariu[m] absolvere non posse, nisi de speciali

ciali facultate Superioris, ad quem respectivè id pertinet. Regulariter absolutio est Sedi Apostolicae reservata. Ubi vero injuria modica fuerit, vel levis, Episcopus potest absolvere, cap. *Pervenit de sent. excom. d. tit.*

59. Episcopus absolvit Pueros, cap. *Pueris.*

60. Item, mulieres, senes, infirmos, & debiles, qui in Clericum violentas manus iniiciant; vel alias impotentes adeundi Sedem Apostolicaam pro absolucionis beneficio, cap. *Ea nosciuntur. cap. Quamvis eod. tit.*

61. Item constitutos in periculo, vel articulo mortis. In quo etiam à quovis Sacerdote absolvi possunt; cum, vel ab Episcopo absolutio haberi non potest, vel Confessarius approbatus non habetur, iuxta Trid. *ses. 14. cap. 7. de cas. reservat.*

62. Sed praxis est, ut, quoties ab Episcopo absolvantur impediti adeundi Sedem Apostolicaam, vel à Sacerdote existentes in articulo mortis, ab eis exigatur juramentum recurrenti cum primùm commode poterunt ad Papam, vel eius Delegatum, mandatum ipsius humiliter recepturi, per tex. in d. cap. *Quamvis.*

Debentque de tali onere eos praemonere, alias non comparentes in similem excommunicationem reincidunt, cap. *Eos, qui d. tit. in 6. Cabafut. prax. jur. Canon. lib. 3. cap. 2.*

63. Quod est practicandum non solum cum excommunicatis ob percussionem Clerici, sed etiam cum ligatis quacumque censura, cuius absolutio sit Sedi Apostolicae reservata, ut communiter Canonistæ apud d. *Confess. cap. 9.*

64. Hoc etiam est observandum, quod absolutio numquam est conferenda, nisi parte satisfacta, si fuerit lœsa; & in casu impotentia est ab absolvendo exigenda promissio cum cautione, etiam jurata de satisfaciendo lœso, & de parendo mandatis Ecclesiæ; virtute cujus promissionis, & juramenti est ipsi præcipendum, ne de cetero in Clericum, vel Monachum violentas manus iniciat.

65. Sed dubitari potest. An Episcopus in enunciatis casibus, in quibus ipse potest absolvere, possit id alteri Sacerdoti committere?

Resp. Affirmativè; tex. expressus in cap. *His de offic. jud. ord.* Nam jurisdictio competens Episcopis absolvendi certis in casibus ob violentam manuum injectiōnem in Clericum est ordinaria; etenim competit ex officio; ac et concessa non persona, sed dignitati, cui ita cohæret, ut cum ipsa transeat in futurum Prælatum, & inde perpetua censetur: Atque ita potest alieri committere, ita Gonzalez in *I. tit. 32. cap. fin.*

66. Ex quo sequitur, quod Prælati Regulares, quibus ratione officii, & dignitatis, competit facultas absolvendi suos subditos ad censura, possint eam potestatem alteri Ordinis Sacerdotis committere.

67. Quæritur. An mandans, per ensionem Clericis d. excommunicationem incurrit.

Resp. Affirmativè, tex. expressus in cap. *Mulieres §.* Illi vero, etiam de mandato ante percussionem cum paniatent. Nisi ipsum revocaverit, & de revocatione notitiam ad mandatarii ipsi pervenire curaverit, & cum effectu per-

(H) 3

vener-

venerit, ut ibi Glos. verb. Auctoritate, & Confessius.

68. Pariter, consentientes, & favorem, ac opem delicto violentæ injectionis manuum præstantes Canonis sententia ligantur. *cap. Quantad. tit.*

69. Quaritur. Joannes percussit Clericum nomine Titii, a quo mandatum non recepit, Titius id sciens, ratam habet approbans percussionem, petitur, an Titius excommunicationem incurrat?

Resp. Affirmative, Cap. *Cum quis de sent. excom. in 6.* Ratihabitio enim mandato æquiparatur, ubi Glos. in verb. suo nomine, dixit, si ratum habuit tantum in corde, quoad Deum est ligatus, sed non quoad Ecclesiam militantem. Dum vero prædictæ ratifications signa exteriora apparuerint, tunc etiam quoad Ecclesiam erit excommunicatus. Confess. cit. Ibi que ead, Glos. in verb. *Incurris*, notavit, quod approbans injectionem excommunicatione ligatur ex nunc, hoc est, ab instanti ratificationis, non ex tunc, quo facta est injectio.

70. Nec obstat, quod dicatur ratihabitionem retrotrahi. Nam satis trahitur ad tempus anterius, cum ex facto anteriori ligat, licet ex nunc. Neque enim sententia excommunicationis trahitur, sed statim ligat, vel non ligat, nec suspendit effectum suum, ut ibi Glos. & cap. Pastoralis de appellat.

Qui vero ratam habet injuriam realem personalem in Clericum non suo nomine factam, peccat quidem peccato sacrilegii, sed non est excommunicatus. Confess. cit.

71. Quaritur. Penitens aperit Con-

fessario, se rapuisse Clericum, quid Confessario agendum?

Reip. Non potest eum absolvere, et iam si ipsum restituerit; cum sit innocatus censura Canonis ob violentiam Clerico factam.

72. Adverte, quod Clericus consenteat, sibi violentiam inferri excommunicationem incurrit, cum tunc injuria inferatur ipsi ut Clerico, & toti ordini Clericali, in cuius favorem fuit privilegium Canonis concellum.

73. Observandum, quod percutiens plures Clericos, in petenda absolutione debet numerum ipsorum exprimere, alias petitio erit subrepititia. Pluribus enim excommunicationibus numero distinctis ligatur. Nam plures cause numero distinctæ concurrunt; quæcumque ligat per se sufficiens ad inferendam censuram. Vide, quæ dixi infra, cap. 33, num. 43, & Glos. in cap. *Cum pro causa in verb. Tamquam de sent. excom.*

74. Observandum etiam, quod est onus vitandi excommunicatum ob Clerici percussionem; Nec requiritur, ut tamquam excommunicatus denuncietur, sed sufficit, ut ita notorium sit Clericum percutisse, quod factum nulla possit tergiversatione celari, nec aliquo juris suffragio excusari, juxta Const. Conc. Constantiens. sub Martino V. quam refero infra, lib. 2. cap. 35. num. 16. Quod fuit pro omni notoria excommunicatione repetitum in Conc. Lateranen. sub Leone X. prout in ejus Const. Primitiva sub la 20. §. 24. Bullar. tom. 1. Ille verbis: aut si notorie in excommunicationis sententiam constiterit incidisse, quod nulla possit tergiversatione celari, &c. Quia propter

properitatem sunt, qui, vel fuerint expressi, & specialiter denunciati, excommunicati, vel de quibus notoriè constat excommunicationem, vel ob Clericis percussionem, vel aliam causam incurrit. Vide infra. cap. 33. num. 18. & alia plura, quæ dixi Offic. Curia Ecclesiast. cap. 39. de privilegio Canonis; ubi de facultate superiorum Regularium erga suos.

§. V.

Simonia realis scienter contracta.

75. In praesenti §. reservatur Romano Pontifici simonia realis scienter contracta. Scindendum namque I. Quod simonia est studiosa voluntas emendi vel vendendi spiritualia, vel spiritualibus annexa. Dicitur studio a voluntas emendi, &c. quia quis, quantum est de se studet, & procurat pecunia emere, & vendere rem spiritualem, qua invendibilis est, & supra omne pretium; atque ita non obstante, quod sit materia indebita venditionis, & emptionis, nulloque pretio estimari possit, se gerit circa ipsam, ac si revera vendi, & emi posset, & ita injuria rebus spiritualibus irrogatur.

76. Contractus emptionis, & venditionis ponitur, tamquam species pro genere, seu pro quolibet contractu oneroso, vi cuius aliquid pretio estimabile aut exigitur, aut confertur, aut promittitur; sive sit contractus locationis, permutationis, transactionis, vel innominatus: ut, do, ut des; do, ut facias: facio, ut facias: facio, ut des.

77. II. Quod nomine rei spiritualis intelligitur quocumque supernaturale, seu, quod à Deo procedit, ut est Author gratiæ, & ad finem supernaturalem conductit. Id enim in casu dicitur spirituale; sive sit in se spirituale, ut sunt fides, gratia, Spes, charitas, dona Spiritus Sancti, &c. Sive ut causa; ut Sacra menta, quæ causant gratiam sanctificantem; ut conferunt, etiam potestate spirituale ad consecrandum, & absolvendum, ut Ordo; sive, tamquam effectus, quia à spirituali potestate procedunt, ut administratio Sacramentorum, consecrationes personarum, locorum, vasorum, concessionari, dispensare in votis, vel impedimentis matrimonii super irregularitate; absolvere à censuris, & similia. Sive sint spiritualibus adnexa. Quod dupliciti titulo contingit, antecedenter, & consequenter: Adnexum antecedenter dicitur, quod secundum suam naturam praeditum formam spirituale, ut sunt vasa sacra. Prius enim sunt vasa, deinde consecrantur. In istis venditio cadit supra materiam temporalem, non supra spirituale.

78. Ante cum consequenter est, quod est posterius spirituali, & ab isto dependet. Ita beneficium Ecclesiasticum dependet ab ordine Ecclesiastico. Prius enim est esse Clericum, quam beneficium, & habere jus ad redditus. Quare beneficium Ecclesiasticum describi solet: *jus perpetuum percipiendi fructus ex bonis Ecclesiasticis competens Clerico propter officium spirituale in sustentationem Ministri.*

Dicitur *perpetuum*, quia beneficia ex natura sua infinita sunt, ut sint perpetua.